





光緒癸未年

外科證治全生

濰陽棗園氏重刊

王洪儲先生外科余生一書余調
任南雄時得之淮陽孫觀察
所賜也南雄為江西入粵衝途
公事未暇省覽比壬午秋回
羅定本任公餘之暇輒翻閱
益信是書之善越明年癸
未夏余次女偶患惡疽遍請

良醫均皆束手遂憶及此書對
證檢閱悉遵成法治之果翌日
見效其應驗神速如此因欲印
送數百本以廣其傳迨觀察
陞任皖臬已將板携去而粵東
向祇有坊刻小本字畫固多舛
錯並雜以他方為害非淺因將所

賜原本重付剞劂復細加校讎言
以公諸世庶幾家喻戶曉不至
為庸醫時方所悞是則區區
之心冀以償王先生之志並以
廣觀察之善緣者也嘗
光緒九年癸未仲秋長沙梓
昂范麓軒謹識



王洪緒先生博古君子也。於陰陽造化之理。默契其蘊。所著永
寧通書。卜筮正宗。林屋民風等集。夙已風行海內。晚年勤於課
子。琢如年兄。丁巳歲。與余同捷禮闈。茲復出其外科證治。至生
示余。余素不知醫。然觀其書。係祖傳秘本。剖晰陰陽虛實之理。
最精且備。不用刀鍼。不施升降。對證立方。萬無一失。世之獲是
書者。儻能依方修合。依證用藥。卽窮荒僻壤。咸慶全生。洵乎癰
疽無死證。而可以造福於無涯矣。雖然。醫卜諸書。特其緒餘耳。
祇以心存利濟。故亟登諸梓。以公寰宇。至其學術淵深。理趣洋
溢。有未可淺窺者。唯貽厥孫謀。親承家教。當必科名接踵。甲第
聯飛。明體達用。大發其英華。庶明月夜光。終不掩抑。而殷殷好

善之意。亦可無負也。已。是爲序。乾隆五年庚申孟春。
賜進士第翰林院庶吉士年眷姪宋邦綏拜撰。

自序

明劉誠意伯言藥不對證枉死者多。余曾祖若谷公秘集云癰疽無一死證。而諸書所載。患生何處。病屬何經。故治乳謁而用羚羊犀角。治橫痃而用生地防己。治瘰癧惡核而用夏枯連翹。槩不論陰虛陽實。唯憑經竝治。以致乳謁橫痃。成功不救。瘰癧惡核。潰久成怯。全不悔憑經之誤。夫紅癰乃陽實之證。氣血熱而毒滯。白疽乃陰虛之證。氣血寒而毒凝。二者以開腠裏爲要。腠裏一開。紅癰毒平。痛止白疽寒化。血行。彼憑經而失證治者。初以爲藥之對經。而實背證也。世之患陰疽而斃命者。豈乏人乎。如以陰虛陽實分別治之。癰疽斷無死證矣。余曾祖畱心此

道以臨危救活之方。大患初起立消之藥。一一筆之於書。爲傳家珍寶。余幼讀之。與世諸書治法迥別。歷證四十餘年。百治百靈。從無一失。因思癰疽憑經竝治。久徧天下。分別陰陽兩治。唯余一家。特以祖遺之秘。自己臨證。竝藥到病癒之方。精製藥石之法。和盤托出。盡登是集。竝序而梓之。以質諸世之畱心救人者。依方修合。依法法製。依證用藥。庶免枉死。使天下後世知癰疽果無死證云爾。乾隆五年歲在庚申春朔日。林屋王維德。

洪緒氏書

洞庭王洪緒先生外科全生集。舊分前後集各三卷。所載癰疽各證。分別陰陽虛實。施治屢見奇功。刊行海內者百餘年矣。無如時醫庸妄。不肯遵行。而病者又專信耳食。亦不能盡用。往往自罹非命。良可歎也。余曩在吳門。見蘇州府知事陳君源。重刻此集。自云十年前身患腰疽。百藥不效。蘇州名醫皆束手。回覆奄然待斃而已。後得此集。用醒消凡半月全瘳。因發願重刻。然所刊係袖珍小板。字畫潦草。未盡善也。今年秋。童石塘太守校刻。汪詡菴醫方集解。本草備要二書。屬余爲校字。蓋因汪氏二集爲時人所便。幾於家有其書。而善本絕少。故爲校刻之時。余長女字易氏者。患乳核。數年未瘳。就醫來江南。用全生集中陽

和湯方服至八十劑而痛止核小頗見功效他如陽和解凝膏
之貼治陰疽刻歡凡之立止牙痛皆鑿鑿有效因勸石塘併刊
之石塘自言其配前患乳岳其幼子患流注皆服陽和湯貼陽
和解凝膏獲瘳遂欣然付梓茲先寄刊成攬本來披閱一過見
其編排次序分論證治法醫方雜證製藥醫案各爲一類校原
刻前後多岐頭緒紛亂者已覺一目了然矣其中俗體錯字併
爲更正實爲此書從來未見之善本真快舉也唯余前所見全
生集後尙有喉科十八證治一卷亦分陰陽二證極其簡明爲
今刻所未備或當併求續刊以成全璧尤所厚幸也道光乙巳
季冬兩淮淮南監掣同知松滋謝元淮謹識

昔余官京師童石塘都轉以所刻醫家諸書見贈內有王洪緒先生外科全生集一種未暇省覽不知其善也後一僕白福者患腋癰二晝夜號呼奄然待斃檢集中醒消丸方一服而除又一人患橫痃以阜刺末煮糯汁飲之而亦除始知其方奇驗歸里後携諸行篋舟車皆閱之值從弟伯屏孝廉患腰癰半載百藥罔效亦用醒消丸三服而愈一木工患石疽偏背上合服陽和湯愈一韓姓膝上平疽如敗肉半在膝盖上外敷酒調白芥子內服陽和湯五六十劑愈一王姓腰間陰疽白色摺皺孔深三寸許服陽和湯二三十劑而愈集中諸方藥到病除百不失一不可枚舉而其大要不外分別陰陽兩治醒消丸專治陽症

陽和湯專治陰症陽症之治時醫時方間或奏效陰症之治則非人所能知矣先生以祖傳密書公諸寰宇自謂救人之功不敢居害人之罪當獨任又勸人處處翻刻速徧海內使瘡毒無枉死之人其願始遂嗚呼仁人之言其利溥哉余里居二十餘年遠近聞風就醫者日衆咸稱余爲外科聖手不知余固依書辨證依證用方依方製藥製藥必須如法萬勿將就審症必須塞硬柱及他壞症治法分出陰陽萬勿錯誤毒根卽瘡中結以竊比先生救世之苦心非真能精通

先生之術者也庚申之難揚州再遭兵燹凡都轉藏書無一存者坊間原刻又漫漶不可讀因亟付剞劂重刻以廣其傳世之讀是書者皆能謹守先生成法而用之不至爲庸醫刀鍼刺割

降藥潰爛以成其生是則余之願也夫

同治八年四月十九日辛酉

濰陽陳介祺書

外科證治全生

序

二

王洪緒先生外科全生集一編其依證用方依方製藥應手奏效百無一失諸序中已詳言之無庸復贅惟是書治證奇驗必須家喻戶曉使海內無癰疽枉死之人庶足以成先生救世之苦心乙亥歲余出守西江攜有數十部業已散盡索者尙多而板存京都購求不易仍恐無以廣其傳且見坊刻小本字畫既多舛錯並間雜他方以贗亂真其害尤匪淺鮮故亟就原本復加校讐以付梓人俾世之讀是書者依書辨證悉遵集內成法無爲時醫時方所誤是則余之深願而亦先生之風志云爾
光緒五年己卯嘉平濰陽孫鳳翔棣園氏重刊序

久和諸注全三
卷之三
三

久和諸注全三
卷之三
三

久和諸注全三
卷之三
三

凡例

一癰與疽之治。截然兩途。世人以癰疽連呼竝治。夫癰疽二字之連呼。卽夫妻二字之連呼也。若以癰藥治疽。猶以安胎之藥服其夫矣。是集以癰疽分別兩治。行執證執方之治法。如照法法製。照證用藥。救人之功。余不敢分害人之罪。余當獨認情願。萬劫披毛。甘受屠家誅戮。

一輯是集專論陰虛陽實。認定初起紅白兩色。是癰是疽。治卽全瘉。所載諸方。皆藥到病瘉。切勿增減。逐證治法。開卷了然。不必投師。人人可精此道。

一諸書惟馮氏錦囊內附陰疽論。與余家遺秘相符。獨無消疽

之方。惟以溫補兼托爲法。且疽初起。如卽平塌。安可用托。托則成功。余家之治。以消爲貴。以托爲畏。卽流注癰癥惡核。儻有潰者。仍不敢托。托則潰者雖斂。增出者又如何耶。故以消爲貴。一醫可寄生死。閱坊刻外科。妄稱正宗。載云。證現七惡。卽死。又載以桐油燒紅衣鍼。鍼入痰塊半寸。用降藥爲條。插入鍼孔。七日塊自開裂。再以條插七日。其核自落。又稱毒在皮裏肉內。刀割深要寸許。方能洩毒。殊不知毒在皮裏膜外。或應開刀。尙忌深過三分。恐傷內膜。若深入寸許。傷透內腑。病人何能堪此。極刑七惡之現。頃刻世之宗其法者。盡屬劊徒。此集唯疔用刺。此外。臬不輕用刀鍼。竝禁用升降二丹。令人痛爛。

一。是。書。無。論。背。項。腰。腹。色。白。者。言。疽。以。疽。藥。瘡。之。紅。腫。者。言。癰。以。癰。藥。瘡。之。坊。刻。書。稱。以。某。藥。與。服。不。應。再。易。某。藥。豈。非。以。人。試。藥。乎。儻。患。生。要。緊。穴。道。安。可。遭。醫。幾。試。望。高。明。詳。之。

一。世。無。爛。久。之。癰。唯。疽。初。起。失。消。或。遭。降。灸。鍼。割。以。致。年。久。不。斂。治。之。之。方。詳。載。集。中。

一。外。科。藥。證。外。另。有。雜。證。五。十。方。俱。一。服。卽。效。者。附。梓。集。中。竝。無。以。人。試。藥。之。誤。望。有。力。者。照。方。合。就。遇。病。施。送。如。鈔。方。傳。人。註。明。製。法。

一。此。集。所。到。之。處。見。信。者。自。然。藥。至。病。除。更。願。處。處。翻。刻。速。徧。海。內。使。瘡。毒。無。枉。死。之。人。余。願。始。遂。余。年。七。十。有。二。矣。治。病。歷。

久和諸症全生
四十餘年。用藥從無一誤。或疑藥味香散猛烈。畏而不服。則是養癰貽患。非余之咎也。

王洪緒先生外科證治全生目錄

論證

癰疽總論

陰疽論名

部位論名

治法

爛潰不斂治法

患孔毒根治法

翻花起肛治法

毒氣攻心治法

癰癤治法

陰疽治法

石疽治法

惡核治法

流注治法

疔毒治法

紅絲疔治法

刀鏃疔治法

走黃治法

諸瘡治法

瘡鼓治法

楊梅結毒治法

痘毒治法

赤遊治法

漆瘡治法

火珠治法

湯火治法

凍瘡治法

禁用干槌膏鯽魚膏

上部治法

瘰癧頭及髮疽治法

蛀髮癬治法

蠟梨瘡治法

頭面肥瘡治法

咽喉治法

喉痺治法

喉閉治法

乳蛾治法

喉癰治法

喉珠治法

鎖喉治法

纏喉風治法

牙癰辨治

骨槽風治法

癩癧治法

遮顛發頤治法

耳後銳毒治法

走馬牙疳治法

鵝掌風治法

鵝爪風治法

天蛇頭治法

甲疽治法

脫骨疽治法

中部治法

井泉疽治法

肺疽治法

發背治法

乳蛄治法

乳癰治法

乳懸治法

下部治法

橫痃治法

小腸疽治法

懸癰治法

子癰治法

囊脫治法

痔漏治法

鶴膝風治法

貼骨疽治法

魚肚癰治法

臙瘡治法

驢眼治法

牛程蹇治法

流火治法

醫方

陽和湯

陽和丸

醒消丸

犀黃丸

小金丹

子龍丸

觀音救苦丹

洞天救苦丹

大棗丸

回疔散

拔疔散

奪命湯

聖靈丹

三黃丸

五通丸

蟾蜍丸

梅花點舌丹

紫金錠

勝金散

五音錠

一筆消

咬頭膏

代刀散

紫藥

山蓮散

象皮散

六和散

推車散

五寶散

拔毒散

合掌散

二美散

五美散

金銀散

神仙棗

紅棗凡

金霜散

平安餅

枯痔藥

退管方

消管凡

陽和解凝膏

洞天鮮草膏

白玉夾紙膏

化核膏

白花膏

紫微膏

麝蘇膏

聾耳散

消管方

癬酒方

鮮角膏

喉證方

壁錢散

真珠散

赤霜散

又方

南星散

骨鯁方

刻歡凡又名過街笑

固齒散

取齒丹

舌上出血或鼻衄方

小兒口疳方

口舌藥方

楊梅瘡敷藥

千金內托散

二陳湯

四物保元湯

又保元湯

加味四物湯

十全大補湯

六味地黃湯

龍膽瀉肝湯

敗毒湯

雜證

調經種子方

求嗣得嗣法

黎洞凡

祛風逐溼散

化痞膏

三日大瘡方

療瘡棗

黃疸立效方

紅白痢及瘵息痢方

癡癩證方

吐血立癒方

痰中有血方

溺血頭痛如裂方

偏身癱痛方

手足骨節癱痛方

箭風痛方

雷頭風方

偏正頭風方

疝膨食積方

又方

閃頸促腰方

赤眼淹纏方

胃脘痛方

又方

夢遺方

白濁方

欬嗽神效方

天絲入目方

塵屑入目方

跌打骨斷方

冷哮方

腸紅方

胃寒嘔吐黃水方

翻胃初起方

烏沙瘰方

水瀉立癒方

大麻風方

狗咬方

小兒冷疳方

小兒蟲證方

夜嘔兒方

砂雪凡

啞驚丹方

小兒目疾方

又方

小便閉方

老年便燥方

小兒浮腫方

製藥

銅青

鉛粉

黃丹

密陀僧

鐵鏽

丹砂

水銀

輕粉

銀朱

雄黃

滑石

礞石

元精石

寒水石

硼砂

硫黃

白礬

綠礬

伏龍肝

甘草

黃芪

人蔘

沙蔘

桔梗

知母

白朮

蒼朮

元蔘

地榆

丹蔘

白芨

三七

黃連

黃芩

秦艽

天麻

柴胡

前胡

防風

藜蘆
羌活

升麻

苦蔘

延胡索

紅花

水紅花子

茵陳

茅根

龍膽草

細辛

白芷

丹皮

縮砂仁

澤蘭

紫蘇

茵陳

牛蒡子

益母草

地黃

當歸

白芍

木香

香附

荆芥

白甘藷

青蒿

續斷

麻黃

芩藤

芎藭

赤芍

高良薑

藿香

薄荷

陳艾

夏枯草

蒼耳子

鎰苾

麥蘗苓

淡竹葉

葛葵

葶箭子

馬鞭草

連翹

紫花地丁

大黃

蒿蔞

大戟

甘遂

蒺藜子

常山

川附子

川烏

草烏

半夏

蚤休

五味子

黑白牽牛仁

番木鱉

天花粉

天薺苓

土茯苓

白蘞

木通

防己

金銀花

藤黃

澤蔞

海藻昆布

仙人對坐草

穀芽

浮麥

麥芽

大麻仁

薏苡仁

小黑豆

白豆豉

神麩

紅麩

白芥子

生薑

蒲公英

紅棗

杏仁

松子仁

烏梅

楊梅

橙子

陳皮

青皮

山楂

橄欖

檳榔

吳茱萸

甘蔗

蓮鬚

芡實

山藥

柏子仁

松香

肉桂

官桂

沈香

丁香

樟腦

白膠香

冰片

乳香

沒藥

血竭

阿魏

厚朴

金鈴子

杜仲

棟樹根

阜角薊

巴豆

桑白皮

柘樹

枳實枳殼

枸橘

山梔炭

萸肉

白茯苓

赤茯苓

茯神

琥珀

天竹黃

蜂房

久和諸治至生

土蜂窠

五備子

殭蠶

蜘蛛

蟬蛻

蠍子

推車蟲

癩團卽癩蝦蟆

蜈蚣

蚯蚓

蚯蚓糞

龍骨

穿山甲

蛇蛻

白花蛇

石首魚

朱鼈

牡蠣

真珠

田蠃

雞裏金

白丁香

五靈脂

山羊血

山羊矢

線膠

皮脂卽烟膠

象皮

麝香

貓矢

鼠矢

頭髮

指甲

人中黃

人中白

醫案

喉證醫案

髮疽醫案

癩癧醫案

痰核醫案

惡核醫案

乳品醫案

發背醫案

腰疽醫案

流注醫案

橫痃及楊梅瘡醫案

起肛醫案

痘毒醫案

囊脫醫案

陰腫醫案

湯傷醫案

白米

粳米

糯米

粳米

粳米

粳米

粳米

粳米

粳米

粳米

粳米

粳米

人市黃

人市白

人市

人市

人市

王洪緒先生外科證治全生

論證

癰疽總論

癰疽二毒。由於心生。心主血而行氣。氣血凝滯而發毒。患盤踞
徑寸者。紅腫稱癰。癰發六腑。若其形止數分。乃言小癰。按之陷
而不卽高。頂雖溫而不甚熱者。膿尙未成。按之隨指而起。頂已
軟而熱甚者。膿已滿足。無膿宜消散。有膿當攻托。醒消一品立
能消腫。止癢爲療。癰之聖藥。白陷稱疽。疽發五臟。故疽根深而
癰毒淺。根紅散漫者。氣虛不能拘血。緊附也。紅活光潤者。氣血
拘毒出外也。外紅裏黑者。毒滯於內也。紫黯不明者。氣血不充。

不能化毒成膿也。膿色濃厚者。氣血旺也。膿色清淡者。氣血衰也。未出膿前。癰有腠裏火毒之滯。疽有腠裏寒痰之凝。既出膿後。癰有熱毒未盡。宜托。疽有寒凝未解。宜溫。既患寒。疽酷暑仍宜溫暖。如生熱毒。嚴冬尤喜寒涼。然陰虛陽實之治。迥別。古書未詳。因立其旨。備覽焉。諸疽白陷者。乃氣血虛寒凝滯所致。其初起。毒陷陰分。非陽和通腠。何能解其寒凝。已潰而陰血乾枯。非滋陰溫暢。何能厚其膿漿。蓋氣以成形。血以華色。故諸疽平場不能化毒者。陽和一轉。則陰分凝結之毒。自能化解。血虛不能化毒者。尤宜溫補排膿。故當潰膿。毒氣未盡之時。通其腠裏之藥。仍不可緩。一容一縱。毒卽逗遛。一解一逐。毒卽消散。開腠

裹而不兼溫補。氣血虛寒。何以成膿。猶無米之炊也。滋補而不兼開腠。僅可補其虛弱。則寒凝之毒。何能覓路行消。且毒盛者。則反受其助。猶車粟以助盜糧矣。滋補不兼溫暖。則血凝氣滯。孰作釀膿之具。猶之造酒不暖。何以成漿。造飯無火。何以得熟。世人但知一槩清火以解毒。殊不知毒卽是寒。解寒而毒自化。清火而毒愈凝。然毒之化。必由膿。膿之來。必由氣血。氣血之化。必由溫也。豈可涼乎。况清涼之劑。僅可施於紅腫癰癤。若遇陰寒險穴之疽。溫補尙虞不暇。安可妄行清解。反傷胃氣。甚至陽和不振。難潰難消。毒攻內腑。可不畏歟。蓋脾胃有關生死。故首貴止痛。次宜健脾。痛止則惡氣自化。脾健則肌肉自生。陽和轉

盛紅潤肌生。當投補養氣血之劑。若犀角、羚羊、連翹等性寒之藥。咸當禁服。

陰疽論名

陰毒之證。皆皮色不異。然有腫與不腫者。有痛與不痛者。有堅韌難移。有柔軟如絲者。不可不爲之辨。腫而不堅。痛而難忍者。流注也。腫而堅。韌微痛者。貼骨、鶴膝、橫痃、骨槽等類也。不腫而痛。骨節麻木。手足不仁者。風溼生。堅韌如核。初起不痛者。乳疔。癰癤也。不痛而堅。形大如拳者。惡核。失榮馬刀也。不痛不堅。軟而漸大者。癭瘤也。不痛而堅。堅如金石。形大如升斗者。石疽也。此等證候。盡屬陰虛。無論平塌大小。毒發五臟。皆曰陰疽。如其

初起癰痛者易消。重按不痛而堅者。毒根深固。消之不易。治之之法。集有一定不易之方在焉。

部位論名

毒生頭頂。有髮疽之名。頸項有落頭。對口。腦疽之號。鴨卵。因毒夾於腋中。魚肚。緣患生於腿肚。失榮。獨在項間。夾疽。雙發喉側。夾棍。原因腳骨潰。有驢眼之稱。牛程。毒匿腳皮。正有湧泉爲號。腹癰。指腹。箭袋。云偏。臭田。羸大母指之爛名。扁擔。怪肩穴中之癰。毒鬢。前疽。耳後發。腿曰腿癰。下稱跨馬。白謂冬瓜。手發背。腳又疽。偷糞。老鼠。又號懸癰。漏稱海底。指說蛇頭。甲謂甲疽。膝蓋腫。云鶴膝。腎子癰。云子癰。馬刀癰。於臉上。骨槽風。於牙牀。井泉

疽患登心口貼骨疽毒踞環跳臀尖毒則曰臀疽臂上癰乃云
臂毒諸名由部位以推治法務憑紅白初起未潰當觀現在之
形已潰潰久須問初起之色初起色紅仍施癰藥初發色白當
用疽丹奏效如響凡大癰潰後世人多投灸芪炙草或用半灸
半生殊不知托裏散內用人蔘者並非以蔘補虛不過以蔘助
芪添其托毒之力卻無補毒之害灸芪止補氣而不能托毒灸
草止補中而不能解毒儻毒氣未盡誤投灸芪炙草或用保元
十全等湯致毒反得補助毒攻內腑則如之何凡遇初潰大癰
宜止其痛痛息則毒散其腫亦退色轉紅活體虛年老者投蔘
芪草皆灸也如體旺家貧者無蔘亦易收功

治法

爛潰不斂治法

如爛潰不堪之患。以洞天救苦丹三服。每服三錢。陳酒送服。醉蓋取汗。隔兩日。又送一服。再隔兩日。再送一服。所空隔之兩日。以醒消凡。每日一服。服後毒水流盡。七日後再服醒消凡兩次。接服大棗凡。每日早晚各進五錢。最危險者。可奏奇效。

患孔毒根治法

爛孔有惡肉凸起。名曰毒根。往往有用降藥爛去者。此乃殺之欲速也。獨不知弱體豈可增痛。况爛去仍又長出。安可再爛耶。唯平安餅專貼毒根。外以陽和解凝膏貼掩。一日一易。輕者二

外科諸症全書
四
三日。重者六七日不癢不癩。毒根自落。貼餅時日服托毒散。俟毒根落後。當服保元四物二湯收功。

翻花起肛治法

年久不斂。定翻花起肛。堅韌。取老蟾破腹連肚雜。以蟾身刺數孔。蓋貼患口。輕者日易一次。重者日易兩次。貼蟾之日。日服醒消凡。止其癢痛。三日後毒盡。再服醒消凡。每服三錢。陳酒送服。消其翻花。軟其韌肛。功效不凡也。如大患初潰者。亦如前法。毒從蟾孔而出。儻肛口韌。患孔深。取活牛蒡草根枝葉。或取紫花地丁嫩草。搗爛塗入肛內。皆拔毒平肛。牛蒡草卽大力子草。俗呼氣殺醫生草。

毒氣攻心治法

凡受降藥毒定致神昏嘔吐此係毒氣攻心急用護心散綠豆粉一兩乳香末五錢燈芯炭三錢研和生甘草一兩煎濃汁調末合病者時刻呷嚙至大半自然止嘔神氣清爽然後接服醒消凡以平其勢

癰瘡治法

凡患色紅腫癢痛根盤寸餘者是癰毒發三四日尙未作膿以嫩膏圍外內以醒消凡熱陳酒送服三錢卽止其痛夜閒得睡次日患皮起皺再服全消如過四五日患將作膿亦以醒消凡與服消其四圍腫鞭痛息毒散患平此以大變小之法有膿之

患頂取咬頭膏貼加以代刀散三錢酒服穿之或以刀點分許
穿之以洞天膏貼不幾日收功如患盤數寸者或居背心腦後
腰腹肚腋陰囊等險之穴用五通丸醒消丸早晚以敗毒湯輪
送一次皮皴痛息再服至瘡儻潰卽用托毒散醒消丸亦早晚
輪服如患盤不滿一寸亦紅腫者是癰蟾蜍丸梅花點舌丹皆
消腫止痛

陰疽治法

初起之形闊大平塌根盤散漫不腫不痛色不明亮此疽中最
險之證儻誤服寒涼其色變如隔宿猪肝毒攻內腑神昏卽死
夫色之不明而散漫者乃氣血兩虛也患之不痛而平塌者毒

痰凝結也。治之之法，非麻黃不能開其腠裏，非肉桂炮薑不能解其凝結。此三味酷暑不可缺一也。腠裏一開，凝結一解，氣血能行，行則凝結之毒隨消矣。治疽之方，悉列於後，照方治無不瘳。如增減定無功效。

石疽治法

此疽初起如惡核，漸大如拳，急以陽和湯、犀黃丸每日輪服，可消。如遲至大如升斗者，仍如石鞭不痛，又日久患現紅筋，則不治。再久患生斑片，自潰在卽之證也。潰卽放血，三日而斃。如現青筋者可治。內服陽和湯，外以活荷蔞根搗爛，加食鹽少許敷塗。數日作瘻，半月皺皮，日敷日輒，而有膿袋下，以銀鍼穿之，當

用千金托裏散。加熟地生芪各一兩煎湯煎藥服十劑後以陽和解凝膏貼滿患上空出鍼穿之眼使其外皮血活因皮膜中似成膿衝須用布捲膏外綁緊使皮膜相連內服大補保元等湯。蔓芪忌炙服至收功如其毒氣未盡忌投補劑。

惡核治法

大者名惡核小者名痰核與石疽初起相同然其寒凝甚結毒根最深卻不易潰未潰之前忌貼涼膏忌服涼藥內服陽和丸犀黃丸可消亦有以大田羸擣爛敷塗消之者大忌開刀開則翻花起肛口用大蟾破腹刺數孔連雜蓋患拔毒輒肛內服溫補托毒消痰之劑犀黃丸儘可收功凡內有麝香孕婦忌服。

流注治法

流注色白腫痛者是也。毒發陰分。蓋因痰塞清道。氣血虛寒凝結。一曰寒痰。一曰氣毒。其初起皮色不異。唯腫唯癢。雖身體發熱。內未作膿。以二陳湯加陽和丸同煎。數服全消。消後接服小金丹七丸。杜其續發。如皮色稍變。極痛難忍者。須服陽和湯以止其痛。消其未成膿之毒氣。使已成膿者。至不痛而潰。此乃以大疽變小之法。如患頂輒。卽爲穿之。膿多白色。以陽和膏日貼。但此證潰後。定增毒痰流走。患者不一。故初潰之後。五日內仍服小金丹十丸。以杜後患。接用犀黃丸。陽和湯。每日早晚輪服。使毒痰消盡。不補可必收功。儻幼孩不能服煎劑者。初起以小

金丹化服。至消乃止。但成膿者。亦日服以消其餘。鞭使患不痛。自穿。俟其毒氣去盡。用保元湯。芪草宜生忌炙。加入肉桂五分。日服收功。如孕婦患之。當問懷胎月數。僕未滿六個月。犀黃八。有麝香不可服。服防墮胎。當以陽和湯療之。療後再服三四劑。以代小金丹。杜其流走。

疔毒治法

疔毒其害最速。生面目耳鼻之間。顯而易見。生肩足衣遮之處。隱而不知。知覺早者。晨醫夕瘳。遲者枉死甚多。故婦女而患暗疔者。誤認傷寒。致毒攻心。走黃不救。如頭面唇鼻肩臂手足等處。生一炮。或紫紅。或黃黑者。疔也。初起刺擠惡血。見好血而止。

取拔疔散。插入以膏掩之。次日疔毒化膿而瘡。

紅絲疔治法

手小臂足小腿。生如紅線一條者。名曰紅絲疔。要在紅絲始末兩頭刺破。毒隨血出而瘡。遲則毒入腸胃不救。凡屬疔毒。宜服奪命湯。

刀鏃疔治法

疔形闊如韭菜。長有寸餘。肉色紫黑者。名曰刀鏃疔。忌行鍼刺。以生礬三錢。葱白七根。共搗爛。作七塊。葱湯逐塊送下。蓋汗。如無汗。再飲葱湯催之。汗出爲度。取爛鷄矢塗患。立瘡。遲治毒歸心腑致命。

走黃治法

疔毒發腫神昏謂走黃。如在將昏之間急取回疔散一錢白湯送服。少刻大痛痛則許救。毒化黃水痛止命活。

諸瘡治法

夫瘡疥之生本由於溼。故南方卑下之地患者最多。諸書皆言溼熱所致。方中皆用生地涼血。未見瘡者或以熏罨爲法。熏瘡雖瘡致毒歸腹。定成瘡鼓。凡患諸瘡宜戒沐浴。浴則溼氣愈重。難以速痊。痊後再戒月餘。庶免復發。忌食雞羊鰕蟹。一應發毒新鮮等物。及房事。其名有膿窠癩疥。綉毬風。猴猴疔。溼風頑癬。蛀髮癬。小兒疔。肥瘡。蠟梨。火珠。凍瘡。臙瘡。爛腿。漆瘡。諸證。後列

之方。皆瘡諸證。

瘡鼓治法

其證當以紅棗凡治之。儻遇瘡鼓危甚。不及待藥與服。當覓大蟹四五隻。約重斤餘。令其白湯煮食。飲酒蓋暖。睡不兩時。身上發瘡。更甚於前。而鼓全消。仍以瘡治。至瘡夫瘡鼓危證也。至瘡則易瘡。

楊梅結毒治法

楊梅瘡。又謂絲花。廣豆。廣瘡。因形而名。然其感毒無二。以化毒爲貴。熏罨爲忌。罨定復發。難治。初發以三黃凡。每日五鼓。取四錢。熱陳酒送服。醉蓋取汗。或以瀉肝湯。每日早晚輪服。昔書所

載升藥爲瓦雄黃爲衣。粥飲送服。或點藥條一根。口含冷水之法。萬不可因此不費藥資。害人性命。自召天誅。如有因服升藥。竝藥條熏罨復發。在五日之前。日服三黃瓦。再取忍冬藤。牛蒡草。紫花地丁。白甘菊。煎湯當茶時飲。如潰。以渣煎湯。日洗兩度。接服聖靈丹。可祛毒盡。色轉紅活。用洞天膏貼收功。如下疳。蠟燭笑等毒。總不離此。前治諸法。儻癩痛難忍。以聖靈丹五分。數服奏功。如爛潰。俟毒退痛止。色轉紅活。當以藥撒生肌。如陽物。鞭而不痿。白精流出。此乃妬精。用破故紙。韭菜子。各一兩爲末。每服六錢。水一椀煎半服。如見瘡。宜以藥剩。儻毒重。服聖靈丹。無不全瘳。

痘毒治法

幼孩出痘多服涼藥。血寒氣滯。乘流發毒。故其色皆白。醫家每以痘後火毒治。致流走。患生不一。久則生管成漏。竝內生多骨。害人不少。應以流注法治。以小金丹消之。

赤遊治法

初生幼孩。因胎中受毒。腿上患色紅腫成片。身熱。名曰赤遊。遊者。遊走也。遊走徧身而死。取哺退雞子內臭水。拂上一二次。全瘡。或有幼孩口內生疳。或顙內生一紅塊。名曰螳螂子。皆胎毒也。用生地五錢。大黃一錢。陳酒浸。取出共搗爛。塗兒足心。男左女右。用絹縛好。乾即易。瘡乃止。洞天嫩膏塗亦效。

漆瘡治法

取杉木屑煎湯溫洗。接以蟹黃滑石二末。白蜜調敷。

火珠治法

用生蘿蔔搗爛。好醋浸敷。遲治妨命。

湯火治法

地榆磨細。香油浸敷。破損者。乾末撒敷。爛潰不斂者。取竈心土。炭火燒紅。水飛曬乾。再加研細。人乳調敷。今之治坊。浸油一缸。以備不虞。拂上立刻止痛。多則二次全瘳。乃湯火傷之聖藥也。

凍瘡治法

以陽和解凝膏貼。一夜可瘳。潰者貼三張收功。

禁用千捶膏鯽魚膏

凡患一切大小白色等疽。忌用洞天膏貼。嫩膏敷。敷則寒凝愈。結。最忌用千捶膏。鯽魚膏貼。以此二膏內皆有巴豆。蕪麻肉貼。則提拔成害。每見橫痃乳。崑貼至致命。孕婦貼則墮胎。凡諸疽潰後。宜貼陽和解凝膏。

上部治法

癰貢頭及髮疽治法

孩童頭髮內患白色腫塊。初起多有認是跌腫。至高大作癩。方始延醫。醫以頭爲首陽。唯用寒涼解毒。是以潰者內膿復生。增出者不一。殊未知此患色白。乃陰寒虛弱之證。用小金丹初起

三服而消潰服七八而癒外貼陽和解凝膏大人患之名曰髮
疽以陽和湯癒之夏秋頭面生紅癩名曰石癩初起取洞天膏
貼周時全消潰者貼之亦癒用連翹花粉赤芍銀花甘草葶藶
滑石澤瀉煎俟溫服卽無熱毒之男婦逢酷暑宜服

蛀髮癬治法

取生木鱗片浸數日入鍋煮透取湯將髮鬚去用湯洗洗後預
備取活蜈蚣三條浸菜油內三四日以油搽頭至癒方止或取
草烏切片炙脆研粉醋調日塗三次數日癒

蠟梨瘡治法

取獨核肥皂分開去核以洋糖填實糖內入巴豆仁每片兩粒

半。仍將肥皂合好。外用線紮鹽泥包固。火煨存性。去泥研極細。未加入輕粉墮榔末各八分。再加力研。香油調膩。鬚頭後煎滾灰湯溫洗。洗後以藥敷。敷後不用再洗。日以藥敷。至瘡乃止。

頭面肥瘡治法

白明礬研粉。取紙捲作長條。打成結子幾十箇。入菜油內浸透。取鐵篩放油結子。用火燒結內油。仍滴於所浸碗內。燒至枯。以諸結研粉。加製松香末約一半。共調油內。日以拂瘡。早晚兩度。五六日瘡戒食豬肉蝦蟹等發毒之物。並煎炒熬油。食則延開難瘡。

咽喉治法

咽喉之地。尤爲急證。頃刻而痛難忍。實係寒生。婉轉而痛方騰。乃爲熱病。譬之雷電之火。燄因陰生。燎原之火。熾由漸著也。內經云。驟起非火。緩起非寒。虛寒實熱。識透者獲濟。是在明達之士。知所區別。乃隨所投而無誤耳。視證有訣。咽喉證有七形。若筋頭蛾。無蛾喉欲閉。鎖喉證亦異。纏喉熱結內。麻癢腫繞外。日前氣短促。厥冷喉閉礙。喉痹鼻痰響。肺絕須治決。喉癰因虛鬱。微作癢癢態。不腫又不閉。淹纏最作怪。喉懸一粒珠。刀點命頃害。藥從鼻裏吹。珠破病卽退。

喉痹治法

痹者不仁也。驟起也。危急之證。痰在喉中。作響響如打鼾舌色

白而不腫。諸書皆稱肺絕不救。蓋緣誤服寒涼以致死耳。如服桂薑湯立瘳。桂薑湯專治頃刻而起。前無毫恙者。此虛寒陰火之證。肉桂炮薑甘草各五分共歸碗內。取滾水衝入。仍將碗頓於滾水掉藥口許。漫以嚥下立瘳。或以生川附切片塗白蜜火炙透黑收貯。臨用取如細糲一粒口含嚥津亦立刻全瘳。

喉閉治法

喉閉兩三日。前氣急短促。手足厥冷。忽然痰壅氣閉。命懸頃刻者。是利服蘇子前胡等藥。

乳蛾治法

其形圓如筋頭。生於咽喉關上者輕。生於關下者重。或左有右

無日單。左右皆有日雙。雙者輕。單者重。以土苧藤絞汁。含口漫
嚥。

喉癰治法

體虛多鬱者。患之。喉中不閉不腫。氣出如常。微微癢癢。飲食不
遂者。是此係虛火淹纏。難癒。忌刺。畏補。○冰片牛黃各一分。膽
礬三倍。八雄精。白梅三枚。去其核。雄等。礬茶。山豆根。七味藥粉。
三錢。七入梅。共搗作丸。噙爲八十箇。含十日。喉癰方中。獨此尊。
虛火不宜補。與刺。總然醫療不除根。

喉珠治法

係腦門生一紅線如髮。懸一黑炮。大如櫻珠。挂至咽門。如用刀

點卽死。取土苧藤活根。擣汁以好醋二、三滴和勻。滴入鼻中。三四次。絲斷珠破。吐出瘀血。立效。

鎖喉治法

喉內無蛾形。痰聲不響。而喉欲閉者是。後有藥訣。

纏喉風治法

喉內熱結。喉外腫繞。且癢且麻者是。○喉內之痰塞滿。舌有痰護。此痰不出。牙齒作響如鼾。唯喉痺誤服涼藥。有此證也。如再遲。痰塞鼻內。氣無出入。卽死。儻遇此危急之證。取鷺毛一根。黏釐許桐油。入喉一捲。痰隨油吐。以桂薑湯療之。如於道路無人店之處。藥未備在者。遇有喉證。取鍼刺其兩指少商穴。無藥卽

瘡。

牙癰辨治

牙根肉紅腫痛甚者是刺出毒血。取真珠散吹之內服瀉肝湯而瘡牙骨及腮內癢痛不腫不紅痛連臉骨者是骨槽風也。儻以癰治則害之矣。

骨槽風治法

患在腮內牙根形同貼骨疽者是初起往往有誤認牙癰多服生地石膏以致成功爛至牙根延爛咽喉不救當用二陳湯加陽和丸煎服或陽和湯消之儻遇潰者以陽和湯犀黃丸每日早晚輪服如有多骨以推車散吹入隔一夜其骨不痛自行退

出吹至次日無骨退出。以生肌散吹入。內服保元湯加肉桂當歸芎藭生黃芪生甘草收功而止。

癰癤治法

癰癤生於項間。初起一小塊。不覺癢癢。在皮裏膜外。漸大如桃核。旁增不一。皮色不異者。以子龍丸每服三分。淡蘆湯每日送服三次。至消乃止。儻幼孩不善服丸。取小金丹每日一丸。用布包放石上。隔布敲細入杯。取冷陳酒三四匙浸化。用銀物研臨臥以熱陳酒衝服。醉蓋暖取汗。服消乃止。數年內忌食香橙。食則復患。凡癰癤內有潰爛。閒有成膿未潰者。亦有未成膿者。須服犀黃丸。止其已潰之痛。鬆其成膿未潰之痕。消其未成膿之

核已成膿者。用咬頭膏穿之。日服溫補祛痰通腠活血壯氣之劑。外貼陽和解凝膏而瘡。其瘰癧延爛至肩胸脇下。不堪之極者。須用洞天救苦丹三服。犀黃丸六服。服有規法載前。服完九日後。皮色變白。孔內紅活。接服大棗丸。肌肉漸長。用生肌散日敷收功。又瘰癧爛至咽喉。如飲熱湯。外覺熱痛者。乃危險至極。儻稍遲。則爛穿咽喉。不救。急取柴心一根。量木人中指。量其三指。共積一薪。隨其長短。男左女右。就手之左右。卽在手下突出之骨。正中骨頂之處。定準一直量上盡頭。以墨記取艾團連灸三壯。膏掩可保咽喉不穿。收功之法。前已列明。敷藥有訣。陳左未成膿者。灸則可消。爛潰者可斂。赤貧人用之。○瘰癧爛潰不

堪言爛至胸腰連耳肩。荆芥根煎溫復洗。瘡中紫塊莫鍼穿。犀黃大棗入神效。日服日洗日敷痊。樟腦腰黃等細粉。麻油調搽肉新鮮。

遮顛發頤治法

患生於顛。有曰遮顛者。有曰發顛者。當宜別治。顛內痠痛者。遮顛也。取嫩膏敷上。次日全瘳。儻病後兩顛發腫。不作痠痛者。乃是發顛。宜服表風散毒之劑。當用白芷。天麻。防風。荆芥。各一錢。陳酒煎半椀。送服醒消。凡三錢自瘳。

耳後銳毒治法

患發耳後。又名耳後發。宜別陽實陰虛治。無一錯。患色白者。以

陽和凡與二陳湯同煎服。或以小金丹服消。色如紅者。醒消。凡服消。諸書不拘紅白。槩以元蔘牛蒡連翹歸尾赤芍銀花等七味治之。色紅者尙服不消。儻色白者。服遭其害矣。

走馬牙疳治法

用生香附。生半夏。等分爲末。雞子白調作如餅。貼男左女右湧泉穴。一周時。瘡如小兒口內生毒塊。不能食乳。俗名螻蛄子。用生地酒浸。搗爛。塗男左女右腳心。自瘡。

鵝掌風治法

鵝掌風。患於手足掌指皮上。鞭而癢燥烈者。是用麻油一兩。紅礮一錢。敲細如粨。入油煎至礮枯煙絕爲度。去礮畱油。有風之

慮日。以火烘油。擦二三次。至癩止。

鵝爪風治法

卽油灰指甲。日取白鳳仙花。搗塗指甲。上下包好。日易鳳仙過時。灰甲換好。

天蛇頭治法

患生指上。形似蛇頭而名。紅痛者。取白蘿蔔一段。空孔入雄黃三分。蒸半熟。套指。或取烏梅仁。嚼爛塗指。嫩膏塗之。皆消。如患色白。小金丹服癩。

甲疽治法

凡指甲邊。生一赤肉突出。時常舉發者。甲疽也。用狼毒一兩。黃

芪二兩。醋浸一宿。入豬脂五兩。微火上煎取二兩。絞去渣。退火氣。以封疽口。日易三度。毒消口斂。

脫骨疽治法

凡手足之無名指患。色白而痛甚者。脫骨疽也。諸書載云。急用剪去其指。可保其命。遲則腫延手足之背。救無術矣。殊不知此亦疽也。大人以陽和湯。幼孩以小金丹。最狠者以犀黃丸。皆可消之。色紅者以熱癩蛇頭等法治之。

中部治法

井泉疽治法

此疽生於心口。又名慢心銳毒。初起若心口內有塊。漸大。心口

發高毒陷卽死。此醫皆縮手之證。諸書亦無藥治之法。唯以本人兩手十指以線量其長短。共積其線。在喉管正中處。雙環至背脊之中。看兩線頭盡處爲中穴。又以本人中指之中一節用柴心量準作一寸。中穴之左右各遠一寸。各以墨記。分立三穴。如。每穴用艾三大壯。一齊火灸。灸畢全瘳。

肺疽治法

諸患易識。獨肺中患毒難覺。兩腳骨癢痛者。或腳骨不痛而舌下生如細豆一粒者。再心口之上。內作微痛。及欬嗽。口乾咽燥。此皆肺中生毒之證也。卽用甘草。桔梗。各三錢煎服。服下如覺稍安。肺之患毒無疑矣。以犀黃丸十服。服完全瘳。此是預識預

治百無一死之法。世人但知腳痛醫腳。欬嗽醫嗽。舌下一粒。便以刀刺。且此一粒。患未成膿。定色淡。患癒亦消。患篤。其色紫黑。如用刀刺立害。諸書皆載云。口吐臭痰。胸中發腥。作痛者。肺癰也。又稱證有三不治。時吐臭痰。久如鞭米飯者。不治。嘔膿不止者。不治。白面變赤者。不治。唯嘔而膿自出者。易治。治之之藥。唯地黃保生歸脾等湯。輪服而已。竝無預知早治之法。直至吐臭痰發腥。始知肺癰。猶小舟飄入大洋也。每見此證。吐膿。膿色皆白。故稱肺疽。用犀黃丸治無不效。有赤貧者。患之以陳年醃芥菜滷。每晨取半杯。滾豆腐漿衝服。服則胸中一塊。塞上塞下。塞至數次。方能吐出。連吐惡膿。日服至癒。凡患此證者。終身戒食。

鴨卵白。燻紅蘿蔔。石首魚。着甲魚。食則復發。難生。

發背治法

發背。乃癰疽中大患。緣其患位對心對肺對臍耳。偏曰搭手。因手可搭而名。紅腫痛甚者。應稱背癰。治法已列。治癰法內。如色白腫痛者。當以流注法治。如平塌不痛者。當以陰疽法治。此皆陰發背也。如誤敷涼藥。誤貼涼膏。定毒攻內腑。不救。

乳島治法

初起乳中生一小塊。不痛不癢。證與癰癧惡核相若。是陰寒結痰。此因哀哭憂愁。患難驚恐所致。其初起以犀黃丸。每服三錢。酒送十服。全瘳。或以陽和湯。加土苺五錢煎服。數日可消。儻誤

以膏貼藥敷。定主日漸腫大。內作一抽之痛。已覺遲治。儻皮色
變異。難以挽回。勉以陽和湯日服。或以犀黃丸日服。或二藥每
日早晚輪服。服至自潰而痛者。外用大蟾六隻。每日早晚取蟾
破腹連雜。以蟾身刺孔。貼於患口。連貼三日內。服千金托裏散。
三日後。接服犀黃丸。可救十中三四。潰後不痛而瘡極者。無一
毫挽回。大忌開刀。開則翻花最慘。萬無一活。男女皆有此證。

乳癰治法

婦人被兒鼻風吹入乳孔。以致閉結。名曰妬乳。內生一塊。紅腫
作痛者。大而言癰。小而言癰。以紫河車草。浙蓴。各三錢。爲末。黃
糖拌陳酒服。醉蓋取汗。或用炒白芷。乳香。沒藥。各製淨。浙蓴歸

身等分爲末。每服五錢酒送。專治乳癰乳癢。一服全消。如潰。以醒消。凡酒送一服。以止其痛。外貼洞天膏。自癒。如患色白者。應以流注法治。儻爛潰不堪者。以洞天救苦丹按法與服。七日後接以大棗。凡日服收功。

乳懸治法

此怪證也。世閒亦偶有之。蓋產後兩乳伸長。形細如雞腸。垂過小腹。痛難刻忍。急用芎藭當歸各一斤。內取各四兩切片。水煎時服。以所餘斤半切大塊。產婦面前放一卓。下放火鑪。將芎藭入鑪漫燒。令婦伏於卓上。口鼻及乳吸煙。如藥盡未痊。再如前法煎服。熏吸便可縮上。儻不能復舊。取蓖麻子一粒。冷水磨塗。

久和認治至生
頭頂見縮復舊。卽時洗去。乃瘡癒。後儻日後再產。必復發。不救。故膏藥不可以蒺麻煎入。儻貼孕婦。下身瘡癩。卽小產。產後尙不覺膏。故再貼致命。可見巴豆蒺麻之害如此。

下部治法

橫疔治法

橫疔生於小腹兩旁。大腿界中。形如腰子。皮色不異。鞭如結核。按之微痛者是也。日取阜角荊六錢爲末。布袋同糯米二合煮粥時飲。三四日全消。或以子龍凡每服三分。淡薑湯日送三次。全癒乃止。大忌開刀。開則刀口無膿。唯出白膩漿。三百日內而死。自潰者亦然。

小腸疽治法

患在小腹之內。按之如掌。堅韌而熱。微痛。小便頻數。汗出。怯寒。腹色如故。或現微腫。脈緊實有力者是也。以犀黃丸瘡之。

懸癰治法

患生肛門前。陰莖後。兩相交界之處。初起細粒。漸如蓮子。數日如桃李。橢俗呼偷糞老鼠。潰經走洩。卽成漏。生管漏久成怯。如怯證人患此。乃催命鬼也。諸漏宜醫。獨此不可治。治則漏管瘡。大致成海底漏。不救在於未成膿時。用生甘草熟軍各三錢。酒煎空心服。一劑卽瘡。如成膿以醒消凡瘡之儻。患者小金丹瘡之。

子癰治法

如腎子作痛而不升上者。外現紅色。子癰也。遲則成功潰爛。致命。其未成膿時。用枸橘全箇。川棟。秦艽。陳皮。赤芍。甘草。防風。澤瀉。等分。錢半。一服即瘳。

囊脫治法

腎囊生毒爛破。腎子落出。外用紫蘇湯日洗。取紫蘇葉梗爲末。日敷。用青荷葉包裹。內服煎劑。黃連六分。歸尾。連翹。黃芩。各一錢五分。甘草。木通。各一錢。

痔漏治法

痔漏卽腸癖。凡人九竅中有小肉突起。卽如大澤中有小山突。

出也。不獨於肛門一處言痔。故有鼻眼牙痔等名。痔分五種。狀亦不一。曰牡。曰牝。曰皰。曰腸。曰氣。未破者曰痔。已破者曰漏。肛門邊生出數瘡。腫而突出。膿潰卽散者。牝痔。肛門邊露肉如珠狀。如鼠奶。瀝血流膿者。牡痔。腸口顆顆發癢。且痛且癢。血出淋漓者。皰痔。肛門內結核有血。發寒熱。登廁卽脫肛者。腸痔。肛門腫痛。遇怒卽發。怒息卽安者。氣痔。酒醉卽腫痛流血者。酒痔。色痔相同。每大便有血注不止者。血痔。患外痔。用蘇合油一兩。猩膽冰片各五錢。槐花粉一兩。研和。加入洞天嫩膏一兩五錢。再研和固貯。勿使洩氣。臨用取塗。痛息日塗兩次。至癒乃止。內服杜痔。瓜地骨皮。生地各三兩。黃芩。丹皮各兩半。槐花二兩。甘草。

焦黃蘗各五錢。焦蒼朮二兩。各磨細粉。白蜜爲丸。每早晚各服五錢。患內痔。候登廁翻出肛外。用溫水洗淨。側臥。其痔盡出。勿使收入。亦有痔自翻出。大如茶杯。形如一菌。糞從菌心而出。痛極。上面如盆。四邊高。中心陷。下如菌根。糞後用鮮枸杞根。搗爛煎汁。熱熏溫洗。洗淨以洞天膏攤如菜碗大。中剪一孔。以一邊剪開通孔。烘鎔柳於菌根。貼於糞門四邊。圍護好肉。誠恐上藥藥汁滴於好肉耳。每取藥一二分入杯。津調筆蘸。拂菌之外面。四旁。日夜各拂一次。菌之中心。通連糞門。大忌拂藥。儻有流入。大痛難當。拂一兩日。毒水流出。菌形漸縮。而輒再拂一兩日。漸靛而黑。菌邊日有脫下。用藥一錢。內再增硃砂一分。如前津調。

日光照拂。菌縮小。黑鞭更拂。拂至菌根自落。全瘡。方藥列後。

鶴膝風治法

鶴膝風之初起。膝蓋骨內作痛。如風氣一樣。久則日腫日粗。而大腿日細者是也。因形似鶴膝而名。專治之法。取新鮮白芷。用酒煎至成膏。收貯瓷瓶。每日取膏二錢。陳酒送服。再取二三錢。塗患至消。乃止。否則用陽和湯。日服外。以白芥子爲粉。白酒釀調塗。亦消。

貼骨疽治法

貼骨疽。患在環跳穴。又名縮腳疽。皮色不異。腫鞭作痛者是。外用白芥子搗粉。白酒釀調塗。或以大戟甘遂二末。白蜜調敷。內

外和言治全全
服陽和湯每日一劑四五服可消消後或服子龍丸或小金丹
以杜後患大忌開刀開則定成縮腳損疾

魚肚癰治法

患生小腿腿肚此乃肉緊筋橫在一身用力之處最痛難忍外
以紫藥紫上內以五通丸醒消丸每日早晚輪服初起立消切
忌開刀宜以藥咬穿庶不傷筋而無縮腳之損色白者應以疽
治忌用紫藥孕婦忌紫紫則胎墮

賺瘡治法

生於小腿男人謂之爛腿女人謂之裙邊瘡因氣滯血凝經年
累月臭爛憎人初起或腿上搔破或生小瘡因經熱湯湯氣或

食毒物。或用瘡癩膏貼爛成一孔。以烏金膏治之。烏金膏用烏鉛一斤入礮三錢鎔化。次日鉛面刮下者名金頂礮。再以鉛鎔澆薄如紙片。照患孔大小剪如膏藥一方。鍼刺二三十眼。取光面貼孔。日煎紫花地丁湯洗孔。並洗膏二次。三日內毒水流盡。色變紅活。以水飛伏龍散撒上。仍用前膏貼外。戒多立行走房事。食毒物。凡婦人須待月信之後貼起。

驢眼治法

患生腳骨。俗呼夾棍疽。未潰色白以疽治。紅腫以癰治。如爛潰日久。形如驢眼者。莫以膿瘡治。當問初起紅白以疽癰別治。

牛程蹇治法

脚底皮内生一炮。痛難步履。略去老皮。以生草烏酒磨塗上。速
瘡如患生脚底之心。名湧泉疽。當別紅白色治。

流火治法

患生小腿紅腫熱痛。不潰不爛。世之醫家。惟以刀鑷血出。或以
鱒魚血塗。總無全瘡之日。時常發作。復鑷復塗而已。須以礬灰
化於釘水內。次日水面上定結一層如薄冰者。取起以桐油對
調膩厚。每日拂上二三次。三四日全瘡。後不復發。醫時忌食豬
肉。

醫方

陽和湯

熟地黃一兩。麻黃五分。鹿角膠三錢。白芥子二錢。炒研。肉桂一錢。生甘草一錢。炮薑炭五分。不用引。此方主治骨槽風。流注。陰疽。脫骨疽。鶴膝風。乳岩。結核。石疽。貼骨疽。及漫腫。無頭平塌。白陷。一切陰凝。等證。麻黃得熟地。不發表。熟地得麻黃。不凝滯。神用在此。

陽和丸

肉桂一兩。麻黃五錢。炮薑炭五錢。共研細末。灑水爲丸。

醒消丸

乳香沒藥末各一兩。麝香一錢五分。雄精五錢。共研和。取黃米飯一兩。擣爛。入末再擣。為丸。如蘿蔔子大。曬乾。忌烘。每服三錢。熱陳酒送服。醉蓋取汗。酒醒癱消痛息。

犀黃丸

醒消丸內。除去雄精。加西牛黃三分。如前法。用飯一兩為丸。凡患乳岳。瘰癧。痰核。橫痃。流注。肺癰。小腸癰等毒。每服三錢。熱陳酒送下。患生上部。臨臥服。下部空心服。

小金丹

白膠香。草烏。五靈脂。地龍。木鼈。各製末一兩五錢。沒藥。歸身。乳香。各淨末七錢五分。麝香三錢。墨炭一錢二分。以糯米粉一兩。

二錢爲厚糊和入諸末。擣千捶爲丸如芡實大。此一料約爲二百五十丸。曬乾。忌烘。固藏。臨用取一丸布包放平石上。隔布敲細入杯內。取好酒幾匙浸藥。用小杯合蓋。約浸一二時。以銀物加研熱陳酒送服。醉蓋取汗。如流注初起。及一應痰核癰癤。乳蟲橫疔。初起服消乃止。幼孩不能服煎劑。及瓜子者服之甚妙。如流注等證成功。將潰潰久者。當以十丸作五日早晚服。服則以杜流走。患不增出。但內有五靈脂與人瘻相反。不可與有瘻之藥同日而服。墨炭係陳年錠子。墨略燒存性研用。

子龍丸

甘遂大戟必要按法精細法製爲粉。白芥子炒磨爲末。各等分

煉蜜爲丸。日服三次。每服淡薑湯送服三分。忌與甘草之藥同
日而服。

觀音救苦丹

硫黃三錢。硃砂二錢。共研。入銅器鎔化。離火。入麝香一錢。調和。
預以油紙鋪地。以藥澆紙上。取爲米粒。遇小癩。取一粒。放患頂。
火點卽然。立刻燒過。膏掩。次日瘡。

洞天救苦丹

取露天有干蜂窠。鼠矢尖者。青皮。棟樹子。立冬後者佳。瓦上炙
存性爲末。等分配準。研和。每取三錢。陳酒送服。服後要隔兩日
再服。

大棗凡

用山羊矢曬乾。入鍋炒炭。存性悶熄。磨粉收藏。每遇久爛不堪。將見內腑者。以大棗去皮核。先擣爛如泥。然後入前粉。捶至成。凡每服四錢。黑棗湯送服。

回疔散

土蜂窠有子者一兩。蛇蛻一條。泥裏火煨。存性爲末。研和聽用。

拔疔散

硃砂。白丁香。輕粉。乳香。蜈蚣。各一錢。血竭。麝香。各二錢。金頂碗。六分。均製爲末。取蟾蜍一錢。酒化和擣爲丸。如芥子大。宜帶長。以便插入疔孔。

奪命湯

銀花。草河車。赤芍。細辛。蟬蛻。黃連。殭蠶。防風。澤蘭。羌活。獨活。青皮。甘草。等分。

聖靈丹

真珠。西牛黃。冰片。各一錢。琥珀。四錢。硃砂。三錢。石鍾乳。二錢。各製研粉。入飛麪。四兩。研和。每服取末五分。煎土茯苓湯調合。再以湯送服。服無不瘉。但石鍾乳。真珠。牛黃。三物價皆貴重。不可輕減分兩。

三黃丸

熟大黃。三兩。乳香。沒藥。末。各一兩。雄精。五錢。麝香。一錢。五分。西

牛黃三分。以熟大黃酒浸透。入椀隔湯蒸軟。搗爛。然後以乳沒雄麝西五末和入。再搗干。捶爲丸。如梧子大。每服五錢。此丸專治懸癰。紅腫熱毒。癰痛大癰。楊梅廣瘡。結毒火毒等證。連服十次。甚險全瘡。

五通丸

廣木香。五靈脂。麻黃。沒藥。乳香。各淨末等分。用飯搗爛。入末再搗爲丸。如梧子大。另以芎歸赤芍連翹甘草等藥煎湯送丸。五錢。凡大癰生於要緊穴道。將在發威之際服此。甚效。如與三黃丸間服。更妙。

蟾蛛丸

寒水石三錢。血竭。沒藥。膽礬。乳香。雄精。銅青。穿山甲。殭蠶。全蠍。酒炒各一錢。硃砂。枯礬。皂角。刺冰片。輕粉。紅礬。各三分。蜈蚣。去足三錢。各製為末。用蝸牛二十一箇。蟾蜍三錢。酒化共搗為丸。如綠豆大。金箔為衣。每用葱白裹一丸。敲碎酒服。醉蓋取汗。小癩初起。服即全消。白疽忌用。

梅花點舌丹

沒藥。硼砂。藤黃。熊膽。乳香。血竭。葶藶。大冰片。沈香。各一錢。蟾蜍。麝香。各二錢。破大珠子三錢。硃砂。牛黃。各二錢。各製為末。摘出蟾蜍。以人乳化開。入末和搗為五百丸。如綠豆大。金箔為衣。凡紅腫癰癤初起。取一丸入葱白內打碎。酒吞。蓋暖取汗。三箇時。

毒消而瘡。

紫金錠

山慈姑。去皮淨。文蛤。去末淨。各三兩。麝香。一兩二錢。干金子。去油淨。大戟。洗淨。焙。各一兩。共爲細末。研極細爲度。以老米糊和勻。入臼中杵。于捶成膏。作錠。醋磨塗。毒消癰。化服通節。竅消熱痰。

勝金散

人蔘。三七。磨粉。米醋調塗。患消痛息。潰者乾敷。立瘡。刀斧傷。

五音錠

雄黃。熊膽。京墨。硃砂。各一錢。麝香。五分。牛黃。一分。先將京墨研

粉用酒少許化之。再入熊膽研膩。後入諸末共研作錠。凡遇紅腫惡毒水磨。以新筆蘸藥圈患中空毒頂。乾再圈。圈至全消。初起者無不神效。白疽忌用。

一筆消

大黃二兩。藤黃一兩。明礬。蟾蜍五錢。麝香。乳香。沒藥。各二錢。用蝸牛搗爛作錠。小瘡空出瘡頂。取錠醋磨。新筆蘸藥圈圍。乾再圈。圈至瘡消方止。

咬頭膏

銅青。松香。乳香。沒藥。杏仁。生木。鼈粉。膩麻仁。等分。巴豆不去油。加倍搗成膏。每兩膏內加入白礬一分。再搗勻。臨用取綠豆大。

一粒放患頂用膏掩。潰卽揭下洗淨換膏貼胎前產後忌用。

代刀散

皂角。薊。繇。黃。芪。各一兩炒。生甘草。乳香。各末五錢。每服三錢。酒服立潰。

紮藥

蕪麻仁。擣爛如泥。鋪絹上。絹照患大。又取一絹蓋上。然後隔絹。紮上。能拔其毒。能止其痛。惟紅痛非常者。不得已用之。如胎前產後婦人及患色白者。忌用。此卽如于捶膏內有蕪麻仁。鯽魚膏。有巴豆二物。提拔之力甚狠。如孕婦。紮卽墮胎。白疽。紮則成功。惟無孕婦人及男子。可紮。痛止卽去。

山蓮散

大活鱒魚一尾。破腹去雜。以山羊矢塞實魚腹。放瓦上。漫火炙乾。存性研末。加麝香一錢。固貯。如爛潰不堪。與內腑止隔一膜者。用此撒。上奇功立見。

象皮散

豬身。前躡扇骨。煨炭研粉十兩。加入象皮。炙炭存性二兩。共爲極細末。凡遇爛孔如掌之大者。以此撒。上至孔收小。後用六和散敷。此藥能療刀傷跌損出血。

六和散

海螵蛸。龍齒。水飛。象皮。炙存性。研極細。血竭。乳香。輕粉。各等分。

加研極細。或乾撒。或熬雞子油調拂。

推車散

推車蟲。卽羗蜋。炙研細末。每一錢。入乾薑末五分。研極細。專治多骨。用吹孔內。內有骨。次日不痛自出。吹過周時。無骨出。則知內無多骨也。

五寶散

人指甲五錢。用紅棗去核。逐枚包甲。以長髮五錢。網紫棗同象皮薄片五錢。入瓦上炭火炙。鎔成團。存性取出。研粉。加麝香一錢。冰片三分。固貯。生肌速效。

拔毒散

巴豆霜一錢。雄黃一錢。冰片五分。麝香一錢。共爲細粉。取撒膏上貼。則拔去毒氣。使無後患。胎前產後之婦忌用。

合掌散

硫黃一兩。鐵鏽一錢。紅礬六分。共研極細如麪。取葱汁調和。塗入大碗內。勿使厚薄。以碗覆於瓦上。取艾置碗下熏藥。藥得熏乾。敲藥碗聲。同空碗無異爲度。取藥再研極細。每遇滿身癩疥。及腎囊癢。用藥一錢。可敷數次。全瘉。臨用以右手中指羅紋黏滿香油。再在包內黏藥。塗入左手心。合掌數磨。止有藥氣。不見藥形。將兩掌擦瘡。每日早晚擦二次。三日掃光。再擦三四日不發。

二美散

吳茱萸焙。硫黃等分。各研極細如麪。專治膿疥雜間者。照前法蘸入手心。合掌磨擦。每日二次。瘡後再擦三四日。

五美散

皮脂一兩。黃丹一兩。炒透。硫黃。雄精各三錢。輕粉一錢。共爲極細末。入洞天嫩膏。調敷膿窠。坐板溼毒。猢猻疔。外以縣紙掩綁。不可動揭。五日後揭下。再敷一二次。全瘡。如溼毒癢極。先以金銀散敷。上次以前膏加敷。

金銀散

硫黃二兩。入銅器鎔化。加銀朱五錢。攪和。離火倒油紙上。冷取。

研細醋調敷。治惡瘡極癢。如破爛爛孔瘡極者。白蜜調敷。

神仙棗

紅棗二斤。銀花歸身各一兩。甘草三錢。白殭蠶白芷。乳香末。五
楠子。黃芪。各五錢。水六椀煎半。渣如前煎。共湯六椀。去渣當水
煮棗。治患瘡日久。體虛瘡最重者。外敷內服。四五日喫完全瘳。

紅棗丸

白殭蠶紅棗各四兩。先用水煮紅棗一二滾。取棗湯洗殭蠶。棄
湯。以棗去皮核。搗爛。殭蠶曬乾為末。二兩。同棗搗和。為丸。四兩
仍用紅棗湯送服。專治瘡鼓。服完全瘳。

金霜散

杏仁去皮尖三錢。雄黃錢半。輕粉一錢。研末。豬苦膽調敷。不瘡惡瘡。

平安餅

烏梅肉一錢。輕粉五分。研和。不見粉亮爲度。如鞭。用津少許。不可用水。研至成膏。照患口大小。作薄餅幾箇。以貼毒根。外用膏掩。日易一次。俟毒根不痛。落下方止。

枯痔藥

用明礬一斤。紅白礬三錢。共入陽乘罐內。外圍炭火。燒至礬鎔。有煙起。煙卽礬毒。人立下風。忌聞。俟煙盡。礬枯。去炭。次日取出。研如細粉。每取一錢。加入飛過硃砂一分。研和聽用。

退管方

黃荆條所結之子。取炙燥爲末。每服五錢。黑糖拌。空心陳酒送服。專治痔漏之管。服至管自退出方止。

消管凡

苦蕒四兩。川連二兩。酒炒。當歸。槐花。畢澄茄。各一兩。五楸五錢。各爲細末。用馬蹏龍兩箇。約重八九兩。梗餅四兩。以水共煮。去髓骨。搗爛。入前末。搗和爲凡。空心每服四錢。白湯送下。其管自出。

陽和解凝膏

每香油十斤。取新鮮大力子根葉梗三斤。活白鳳仙梗四兩。入

油煎枯去渣。次日以川附。桂枝。大黃。當歸。肉桂。官桂。草烏。川烏。地龍。僵蠶。赤芍。白芷。白朮。白芨。各二兩。川芎。四兩。續斷。防風。荆芥。五靈脂。木香。香圓。陳皮。各一兩。再煎藥枯。瀝渣。隔宿油冷。見過斤兩。每油一斤。加炒透黃丹七兩。攪和。文火漫熬。熬至滴水成珠。不黏指爲度。卽以溼粗紙。罨火。以油鍋移放冷竈上。取乳香沒藥末。各二兩。蘇合油四兩。麝香一兩。研細入膏。攪和。半月後。攤貼一應爛潰陰疽。凍瘡。貼一夜全消。潰者三張全癒。瘡疾貼背心。

洞天鮮草膏

先用壯年頭髮一斤。菜油三斤。入鍋熬髮枯浮。去渣聽用。以活

牛蒡甘藷蒼耳根葉金銀藤馬鞭草仙人對坐草各鮮草一斤
入菜油十斤熬至草枯瀝出再以白芷甘草五靈脂當歸各半
斤入鍋熬至藥枯出渣俟油冷將前頭髮熬過之油併入共見
過斤兩每油一斤用當日炒透黃丹七兩入於油內攪勻再熬
熬至滴水成珠以兩指取膏爲凡而凡不黏指爲度離火俟退
火氣以油紙攤膏用貼一應熱毒瘡癩如做嫩膏者每斤油內
入黃丹四兩熬黑收起聽用

白玉夾紙膏

麻油四兩熬至滴水成珠爲度離火加製松香五錢白蠟黃蠟
各二錢半再熬去煙沫用絹瀝清一加輕粉一兩二加冰片三

分三加麝香三分。隨攪隨加。加攪勻極。增雞子白一箇。再攪勻。貯瓷瓶。以蠟封口。聽用如貯兩月。則藥乾無用。專治夾棍杖傷。及刀斧槍棍傷。損爲效甚速。用油紙校傷處長闊一倍。以膏攤一面。餘一面刺眼。折來蓋膏。以有眼一面向貼患處。用絹布綁縛。

化核膏

菜油四斤。壁虎十四條。蜘蛛二十八箇。蝸牛三十六枚。入鍋熬至枯。浮油面取出。再入各新鮮首烏。藤葉。甘藷根。薄荷。牛蒡。蒼耳等草各半斤。武火熬至草枯出渣。俟油冷。再入連翹。元藎。苦蕒。白薇。白芥子。僵蠶。水紅子仁。各搗碎。大黃。荆芥。防風。各四兩。

浸一宿。熬至黑枯。以油漚清。見過斤兩。加製木鼈油半斤。配炒黃丹。慢入。慢攪攪勻。文火再熬。熬至滴水成珠。膏不黏指爲度。再加入丁香油。麝香各二錢。蘇合油一兩。攪勻。退火攤貼。凡癰癤結核惡核。此膏貼卽暗消。但毒根不除。必以子龍丸日服三次。外用膏貼。方可除根。以杜後發。

白花膏

香油一斤。青槐枝百段。陸續入油熬枯。油至滴水不散。取出枯枝。入黃蠟兩半。鉛粉兩半。離火溫時。再下製淨乳香。兒茶。沒藥。白花蛇各三錢。樟腦一兩。麝香一錢。同油攪勻成膏。浸水內一宿。專治瘡極見骨者。

紫微膏

香油四兩。燭油兩半。黃蠟兩半。熬至滴水不散。入炒鉛粉三兩。輕粉。乳香。阿魏。白蠟。沒藥。各五錢。兒茶。六錢。雄黃。龍骨。真珠。各五錢。攪勻。遠火入麝香五錢。成膏。聽用。生肌收口。

麝蘇膏

麝香。五靈脂。沒藥。雄黃。乳香。各一兩。蟾蜍。五錢。蘇合香油。二兩。洞天嫩膏。八兩。共攪勻。入瓷瓶固藏。遇大癰。空出患頂。取此塗圍。如乾。以雞毛黏酒。拂上。神效。內服醒消。立瘉。

聾耳散

凡耳內有膿作痛。取新鮮白鯊魚腦。中枕骨。入火燒紅。取出。俟

洽。每兩加冰片一錢。共研。用絲花捲乾耳膿。吹藥二三次。卽瘥。

消管方

阜角。荊尖。柘樹膜。炙淨末。各五錢。紅腹金錢龜。炙淨末。三錢。榆麪。真蟾蜍。各一錢。和入。加工研細。固藏聽用。每遇漏管。先以豬鬃探通。料其淺深。然後以絲紙捲藥爲條。塞入。日易日塞。至瘥乃止。

癬酒方

用本地白槿皮。南星。檳榔。各一兩。樟腦。生木鼈。各五錢。斑蝥。三十箇。蟾蜍。三錢。共浸滴花燒酒一斤內。聽用。遇癬。三日一搽。二拂。至瘥乃止。

鮮角膏方

五月初旬取新鮮阜角。薊數斤。擣爛。水煮濃汁。漚出。易水再煮。二三度出渣。以汁共歸一鍋。漫火煎至成膏。如治橫痃。每日取二錢。同糯米煮粥。日食而愈。如治頑癬。用阜角薊醋熬成膏。鬚髮後塗敷。日鬚日敷。毒水盡。再敷數次。全愈。

喉證方

蘇子。前胡。赤芍。各二錢。甘草。桔梗。各二錢。元藿。連翹。浙蓴。各一錢半。治風火喉閉鎖喉風。實火用川連一錢。桔梗。牛蒡。元藿。赤芍。荆芥。各一錢半。連翹。黃芩。花粉。射干。各錢半。防風一錢。○連翹。黃芩。防風。荆芥。射干。各一錢。銀花。錢半。薄荷。八分。川連。甘

草各五分

壁錢散

六七月取有子壁錢七箇。老蟾子兩箇。髮紮好。用明礬七分。鎔化。以紮好之壁錢入鎔。攀黏足。燈火炙透。研粉。凡熱痛喉證。用吹最效。

眞珠散

礪砂。雄精。川連。兒茶。人中白。冰片。薄荷。黃蘗。各等分。大破珠減半。各爲極細末。治牙疳。牙根紅腫。口喉刀點。以散吹。

赤霜散

紅棗一枚。去核。入紅礮如黃豆一粒。紮好。瓦上炭炙。至棗炭上。

起白色煙盡爲度。蓋熄俟冷。加入冰片一分。研專治走馬牙疳。延腫穿腮。危險不堪之證。吹之效速如神。久爛之孔。生肌亦速。

又方

白馬前躑。修下腳皮。炭炙存性爲末。入冰片少許。吹患處立瘡。

南星散

南星一枚。空空入雄黃一塊。麥麪包裹。火燒俟雄鎔。以杯合定。遠火俟冷。去麪研末。加麝香。專治牙蝕。因患骨槽風。以致牙蝕。透骨穿腮。拂之數日瘡。

骨鯁方

縮砂草果。威靈仙。清水沙糖共煎。連服三四碗。骨化爲涎。

刻歡凡又名過街笑

蟾蜍一錢。陳酒化透。入五靈脂。麝香各一錢。研和爲凡二百粒。新零綢包。絲線紮固。藏瓷瓶。每取一凡。咬於痛牙。凡化全瘉。

固齒散

取老鼠頭骨。牙同鹽煨。存性研細。以察動牙。牙卽收。上不搖。

取齒丹

活鯽魚一條。每重十兩。以白礮一錢入腹。放無風無貓犬處。七日。魚身發白毛。用雞毛拂下。以少許膏藥收之。每遇病牙。取些些膏藥貼齒。片刻牙卽落下。

舌上出血或鼻衄方

茅紫根。葷薺子。血餘。三物爲末。吹擦卽止。以前服治溺血鼻衄。龍骨末吹入立止。

小兒口疳方

生香附。生半夏。等分爲末。雞子白調作如餅。貼男左女右湧泉穴。一周時瘡如小兒口內生毒塊。不能食乳。俗名啞。蝦子。用生地酒浸搗爛塗男左女右腳心。自瘡。

口舌藥方

荆芥。梔子仁。黃連。黃芩。連翹。大力子。薄荷。通草。各一錢。燈芯一撮。甘草四分。蒲黃一錢。爲末擦上。卽瘡。又天麩冬。麥麩冬。去心。元澁。等分。爲丸。彈子大。日取一丸。嚙化。又舌鞭生衣。用犀黃。硃

砂各一分。元精石二兩。研末。刺出舌尖黑紫血。用藥撒。上須與舌輒。

楊梅瘡敷藥

人指甲頭髮瓦上炙存性。研粉。每一兩。加麝香一錢。再研和。日敷。

千金內托散

人蔘黃芪。防風。官桂。白芷。厚朴。川芎。桔梗。甘草。不用引。

二陳湯

橘紅五錢。半夏二錢。茯苓一錢。甘草。加白芥子二錢。炒研。

四物保元湯

川芎。當歸。白芍。熟地。人蔘。黃芪。炙草。

又保元湯

肉桂。生黃芪。生甘草。

加味四物湯

川芎。當歸。白芍。熟地。黃。生甘草。炒白芷。茯苓。五味子。人蔘。肉桂。

十全大補湯

人蔘。白朮。漂淨。十炒。焦。茯苓。炙甘草。熟地。白芍。川芎。當歸。黃芪。

肉桂。

六味地黃湯

熟地。山藥。澤瀉。山黃肉。茯苓。丹皮。

龍膽瀉肝湯

龍膽草。當歸尾。各二錢。銀花。花粉。黃芩。連翹。各錢半。知母。甘草。丹皮。防風。木通。各一錢。

敗毒湯

連翹。赤芍。銀花。歸尾。黃芩。花粉。各二錢。甘草節。一錢。煎湯。送醒消。凡唯疔毒。忌酒。此外藥內不可缺。酒水各一椀。煎半服。小孩減半。煎化。凡服。